

nos rem, ut gesta est, posteritati tradere. Ajunt itaque illi post longas Alexandri & Fæderici simultates, quas inde originem traxisse constat, quod in novo schismate inter Pontificem ipsum & Octavianum Antipapam orto, quum res cognoscenda ad Fædericum delata esset, visusque esset Alexander declinare illius arbitrium, accersito ad se Octaviano, cœpisse Fædericum aperte Alexandro adversari: indictoque apud Divonem, Galliæ locum, concilio (quia adesse Alexander noluit) infecta re soluto Principum conventu, accensum ira in Italiam Fædericum redire statuuisse: atque suo Antipapa præmisso, ipsum non multo post cum validissimis copiis in Cisalpinam Galliam transiisse: sed ante ejus adventum Octavianus diem obiverat, cui Guido Cremenensis surrogatus est. Huic quoque in Alexandri inviviam se fautorem (ut ajunt) Fædericus exhibuit. Multis interea in ea terra gestis, atque Anconem usque promotis armis, demum Romam versus, ut Alexandrum opprimeret, ferocissimus hostis movit. Sub ejus adventum territus ille, duabus triremibus Guilelmi Siciliae Regis usus, Cajetam primo, inde Beneventum venit. Fædericus, Guidone Romæ constituto, ipse in Galliam Cisalpinam rediit: sed & Guido quoque non multo post moritur. Tum Alexander, permessa Romanis rerum humanarum cura, divina sibi tantum deposcit, modo Romæ per homines adversæ factionis esse liceret. Verum, quum nec sic quoque pacem impetrare potuisset, desperata concordia, ex urbe profectus est. Sive igitur hæc causa fuerit, quod vix probo: nam civium discordia non illum (ut quidam ajunt) urbe excedere coegisset, quando utique, Reipublicæ administratione illis permessa, nulla esse potuit: sive impium potius Fæderici edictum, qui Alexandro omni Italia interdixisse dicitur, ut capitale esset, si quis eum cibo, potuve, aut hospitio juvisset; civitatibus quæ illum excepiissent, excidium interminatus; Regulis & aliis illustribus viris ultricia arma: quum nihil ille sibi tutum reliqua Italia cerneret, cœpissetque & Guilelmi quoque fides suspecta esse, per Appuliam ad Garganam montem transiit:

1176

Alexandri
Papæ &
Fæderici
Imp. simultates.